

Passit il.il. pillugit nalunaarut

Danskit naalagaaffianni innuttaasunut passit il.il. pillugit inatsimmi § 1, imm. 1-5, § 3, imm. 1, § 4, imm. 1, § 5, imm. 1 aamma § 7, tak. inatsimmik nalunaarut nr. 900, 8. september 2008-meersoq, inatsit nr. 622, 12. juni 2013-imeersutigut allanngortinneqartoq aamma pinngitsoorani passeqartussaaneq pillugu Kunngip peqqussutaa nr. 418, 13. december 1952-imeersoq naapertorlugit, aalajangersarneqarpoq:

Kapitali 1

Pinngitsoorani passeqartussaaneq aamma nunagisamiit aallartarneq utertarnerlu

§ 1. Danskit naalagaaffianni innuttaasut Finlandimut, Islandimut, Norgemut Sverigemullu aallarsinnaapput taakkunanngalu tikissinnaallutik passeqanngikkaluarlutik allatulluunniit angalasup kinaaneranut uppersaateqanngikkaluarlutik.

§ 2. Aammattaq danskit naalagaaffianni innuttaasut naalagaaffimmit aallarnerminni naalagaaffimmullu tikinnerminni passeqassapput. Immikkulli pisoqartillugu passimik uppersaasinnaanneq apeqqutaatinnagu danskit naalagaaffianni innuttaasut naalagaaffimmit aallarnissaat naalagaaffimmullu tikinnissaat naalagaaffimmi politiit qullersaata akuersissutigisinaavaa.

Kapitali 2

Passiliuussisarneq

§ 3. Danskit naalagaaffianni innuttaasut Danmarkimi najugallit kommunalbestyrelsip passiliuuttarpai passillu atuuffianik sivitsuisarneq kommunalbestyrelsip isumagisarpaa. Kommunalbestyrelsip tamatuminnga sullissisarnera naalagaaffimmi politiit qullersaata malittarisassiuussinnaavaa.

Imm. 2. Danskit naalakkersuisuisa aallartitaqarfiini konsuleqarfiinilu sinniisuutit danskit naalagaaffianni innuttaasunut nunani allaniittunut passiliuussinnaapput passillu atuuffii sivitsorsinnaallugit. Tamakku pillugit malittarisassat erseqqinnerusut nunanut allanut ministerip aalajangersartarpai.

Imm. 3. Aammattaq danskit naalagaaffianni innuttaasunut nunami allaniittunut naalagaaffimmi politiit qullersaata akuersineratigut nunani allani aallartitaqarfiit konsuleqarfiilluunniit EU-mi ajornartoornermi passinik (ETD) tamatigut passiliuussisinaapput.

Imm. 4. Danskit naalagaaffianni innuttaasoq nunami allami innuttaassusilik aammattaq passiliuunneqarsinnaavoq. Taama pisoqartillugu nunami allamiusut passi arsaarinnissutaassanngilaq atorunnaarsinneqassaniluunniit.

§ 4. Inuk ataasiinnaq pillugu passiliuussisoqartassaaq.

Imm. 2. Passiliornermi immersuiffissat Naalagaaffimmi politiit qullersaata akuersissutigisai atorlugit passiliuussisoqartassaaq. Paasimi ilaapput qupperneq ataaseq paasissutissanik inummut

tunggasunik imalik aamma qupperneq ataaseq elektronik atorlugu paasissutissanik passinik piginnittumut tunggasunik allanut attavilerneqarsinnaanngitsunik imalik.

Imm. 3. Pineqartup passiani paasissutissat inummut tunggasut sorliit elektronik atorlugu paasissutissiissutigineqassanersut passimik piginnittup qinnuteqarneratigut kommunalbestyrelsip paasissutissiissutigisassavai.

Imm. 4. Passimut immersuiffissap imm. 2-mi taaneqartup passimik piginnittoq pillugu paasissutissat inuup normua aallaavigalugu suaassusianik paasissutissat imarissavai. Kisitsit kingulleq agguarneqarsinnaasoq inummut tunggasoq F-imik nalunaaqutserneqassaaq aamma kisitsit kingulleq agguarneqarsinnaanngitsoq inummut tunggasoq M-imik nalunaaqutserneqassaaq, taamaattorli takuuk imm. 5.

Imm. 5. Inuup kinguaassiutiminik allannguisimanngitsup, kisianni Rigshospitalets Sexologiske Klinikianit transseksuelitut taassumunngaluunniit naligitamik pissusillip suaassusiata X-imik nalunaaqutserneqarnissaa Naalagaaffimmi politiit qullersaata akuersissutigisinnaavaa.

Imm. 6. Inuup transseksuliuneranik taassumunngaluunniit naligitamik pissuseqarneranik Rigshospitalip naliliinera nalornissutaappat, Retslægerådip tapertaasumik oqaaseqaataa pissarsiariniarneqarsinnaavoq.

§ 5. Passitaarniarloq qinnuteqaammik nammineerluni komminimut tunniussissaaq. Kommunip digitalimik aaqqiissutissiaa atorlugu passitaarniarnermut qinnuteqaat kommunimut tunniunneqassaaq. Aamma passitaarniarluni qinnuteqaammut ilanngullugit tunniunneqassapput passitaarniarnermi allagaatit, asseq ilanngullugu. Qinnuteqaat allagaatillu oqaasertagiit aappaat pingajuallu malillugit digitalimik nammineq kiffartuunikkut tunniunneqanngitsut kommunip itigartissutigisavai, taamaattorli takukkit imm. 2 aamma 3.

Imm. 2. Innuttaasoq immikkut ittunik pissuteqarluni digitalimik imminut kiffartuussinnaanngitsoq kommuni isumaqarpat, imm. 1 malillugu digitalimik imminut kiffartuussinerunngitsumik allatulli iliorluni qinnuteqaammik allagaatinillu tunniussinissaa kommunip neqeroorutigisavaa.

Imm. 3. Imm. 2-mi taaneqartut saniatigut kommunip immikkuullarilluinnartumik qinnuteqaat digitalimik imminut kiffartuunikkut tunniunneqarsimanngitsoq itigartissutigingitsoorsinnaavaa, digitaliuunngitsumik allatulli iliorluni qinnuteqaammik allagaatinilluunniit kommunip tigusaqarnissaa erseqqissumik iluaqutaassasoq aningaasaqarneq ataatsimut isigalugu nalilerneqarpat.

Imm. 4. Passimik qinnuteqaat digitalikkortoq tigussaalerpat tiguneqartutut isigineqassaaq.

Imm. 5. Assip imm. 1-imi taaneqartup piunasaqaatit makku naammassisimassavai:

- 1) Kiinnaq siorarpiaanit assilineqassaaq qinnuteqaateqartullu kiinnaa nasartaqanngitsoq tui ersilaartillugit takuneqarsinnaassaaq.
- 2) Kiinnaq assigijaartumik seqernejarsimassaaq.
- 3) Isai illuttut takuneqarsinnaassapput isillu assiliivik toraarlugu isigissavaat.
- 4) Ipummersimassaaq.
- 5) Isarussat taarsisartuussanngillat qaammanermillu akisugutsitsisaratik.
- 6) Tunuliaqutaa qaammaarissuussaaq taarnertaqarani allanilluunniit assimi ersittoqassanani.
- 7) Asseq digitalimik assilisaanngippat, tak. imm. 1-3, pitsaasumik assingusumillu assilisaassaaq, asiujaatsuussalluni, scannernejarsinnaassalluni naqissusernejarsimananilu, putuneqarsimassanani allatulluunniit innarlernejarsimassanani. Asseq 35 x 45 mm-imik angussuseqassaaq kiinnaq 30-36 mm-imik uuttuuteqassalluni.

Imm. 6. Qinnuteqaateqartup upperisaqarnini pissutigalugu imm. 1-imi taaneqartoq malinnagu nasaqarnissaa kommunalbestyrelsip akuersissutigisinnaavaa. Kiinnap ilisarnaatai assimi erseqqarippata pineqartup naliliiffigereerneratigut akuersineq nalunaarutigineqarsinnaavoq.

Imaappoq talloq, qingaq, ulussat, isit qallullu asserneqarsimassanngillat aamma kiinnap ilusia takuneqarsinnaassaaq qaap ilaa asserneqarsimagaluarpalluunniit.

Imm. 7. Aammattaq kommunalbestyrelsip akuerisinnaavaa, imm. 2-mi piumasaaqaatit sanioqqunneqarnissai, tamatumunnga pissutsit immikkut ittut tunngavissaappata.

Imm. 8. Passitaarniap aamma tikermi talerpilliup saamerliullu nuuisa ipaasa nuutinneri tunniutissavai.

Imm. 9. Passitaarniat 12 inorlugit ukiullit aamma passitaarniat inussamik nuuisa ipaannik nuutitanik qaqugumut tunniussisinnaanngisaannartussat imm. 5 malillugu inussat nuuisa ipaasa nuutinnerinik tunniussisussaataitanermit ilanngunneqanngillat.

Imm. 10. Imm. 8 malillugu inussat nuuisa ipaasa nuutinnerinik tunniussinissaq suli ajorpat, naalagaaffimmi politiiit qullersaata innersuussutai erseqqinnerusut malillugit inussat allat nuuisa ipaat nuutinneqarsinnaapput. Inussat arlaannaataluunniit nuuisa ipaat aamma nuutinneqarsinnaanngippata § 24 malillugu passitaarniaq ataatsimoorussamik passitaartinneqarsinnaavoq. Taamaaqataanik pisoqartillugu § 24, imm. 3 malinneqassaaq.

§ 6. Passitaarniummik tunniussinermi, passitaarniap uppersarsartassavaa kinaanini kingullermik passerisimasaminik takutitsinikkut.

Imm. 2. Passitaarniap siusinnerusukkut passitaarisimasani piginnikkuniuk, kuisinnermut, atertaarnermut imaluunniit inunngornermut allagartap, peqqissutsimut allagartap allatulluunniit kinaassutsimik uppersarsaatip naleqquttup allaqqaarneqarneranik assiminillu kinaassutsimut uppersarsaatit takutitsissaaq.

Imm. 3. Passitaarniaq Inuit Qitiusumik Nalunaarsorsimaffianni ilisimaneqanngippat passitaarniap allatut iliorluni danskisut innuttaassuseqarnini uppersarsassavaa.

Imm. 4. Passitaarniap inuttut normua pappialani imm. 1 aamma 2-mi taaneqartuni erseqqissumik allassimannngippat, aamma kinaassutsimut uppersarsaatit pisortat oqartussaataitaannit tunniussaasut taakkunani passitaarniap innuttut normua erseqqissumik allaasimasussaq takutinneqartassapput.

Imm. 5. Passitaarniartup aterilersimasaa pappialani imm. 1-2-mi aamma 4-mi taaneqartuni allassimannngippa, passitaarniaq pisussaavoq qinnuigineqarnermigut atermi allannguutai uppersarsassallugit katinnermut allagartamik, atertaarnermut allagartamik imaluunniit pisortanut katititsisussanut imaluunniit inunnik nalunaarsuiffimmut nalunaarutiginninneq pillugu uppersarsaatissanik takutitsinikkut.

§ 7. Passitaarniap kinaassusaanut uppersarsaatissatut piumasaaqaatit § 6-imi taaneqartut sanioqqunneqarsinnaapput passitaarniaq kommunimit ilisarisimaneqassappat, imaluunniit passitaarniap uppersarsassappagu kinaanini paasiniaanermi apeqqutit akiortornerisigut. Immikkut ittunik pisoqartillugu passitaarniap taarsiullugu kinaanini uppersarsarsinnaavaa inummik allamik nammineq kinaanerminut uppersarsaasinnaasumik ilaqlarluni ornigunermigut, tak. § 6, passitaarniallu kinaassusaanik ilisimannittutut allagannorlugu uppersarsaasinnaasumik (ilisimannittutut uppersarsaasuuneq).

Imm. 2. Kommunalbestyrelsip pisariaqarpat § 6 naammassineqaraluartorluunniit piumasarsinnaavaa passitaarniap kinaassutsini uppersarsassagaa matumani aalajangersakkami imm. 1 naapertuuttumik.

§ 8. Kommunalbestyrelsip pisariaqarpat passitaarniaq piumasaqarfigisinnaavaa, danskit naalagaaffianni innuttaassuseqarnissamat piginnaatitaanini erseqqinnerusumik uppersarsaqqullugu.

§ 9. Passimi passitaarniap inuit aqqi pillugit inatsit malillugu aqqi tamarmiusut, tassaasut siulequtitut aqqit, akunnequtitut aqqit kinguliaqutillu tamarmiusut allassimassapput, ajornangippat inissiivissatut amerlassusilikkat, politiit nalunaarsuutaanni nassaasaasut iluanni, tak. § 10, imm. 2.

§ 10. Allakkanik qaatiguuliornermi akunnequtitut ateq Inuit Qitiusumik Nalunaarsorneqartarfiannut nalunaarutigisaq, passitaarniap kissaateqarneratigut passimi allanneqarsinnaavoq.

Imm. 2. Ateq siuliaqut/akunnequt, ilanngullugu allakkanik qaatiguuliornermi atugassatut ateq akunnequt, tak. imm. 1, kiisalu kinguliaqut katillutik politiit nalunaarsuutaannit maskiinamik allattuinnissami takivallaassappata, passimi ateq allanneqassaaq kinguliaqut allallugu, siulequtitut /akunnequtitut aqqit pisariaqassappat naalisarneqartassallutik naqinnernut aalaqqaataasunut. Naalisaasoqassagaluarpata siulequtitut/akunnequtitut ateq kingulleq naalisarneqarsinnaavoq taavalu tulleriinneri naapertorlugit. Passitaarniap kissaateqarneratigut siulequtitut/akunnequtitut aterni allatut tulleriinniliilluni naalisaasoqarsinnaavoq, taamaattorli siulequtitut ateq minnerpaamik ataaseq naallugu allallugu.

§ 11. Passitaarniutitip tunniunneqarneranut peqatigitillugu passitaarniaq kommunimit isigineqarluni kortimi immikkut ittumi atsiorfissamat atsiussaaq. Tamanna ajornassappat, passitaarniaq utoqqaassutsini imaluunniit napparsimanini pissutigalugu atsiorsinnaanani, atsiuinissamik piumasagaatip sanioqqunnissaa kommunalbestyrelsimit akuerineqarsinnaavoq.

§ 12. Kommunalbestyrelsi passitaarniaq passitaartissanngilaa, Inuit Qitiusumik Nalunaarsorsimaffianni takuneqarsinnaappat, passitaartitsinissaq akerliusoq.

Imm. 2. Inuit Qitiusumik Nalunaarsorsimaffianni passitaarniarloq itigartitsissutigineqarnissaanik pineqartup passitaarniarnini attatiinnarpagu, kommunalbestyrelsip qinnuteqaat politiinut nassiuutissavaa, passitaarniarloq passitaartinneqassanersoq aalajangiisussanut.

§ 13. Passimik piginnittoq, passitaareernermigut allamik ateqalersimasoq, piginnaatitaassaaq nutaamik passiliuunneqarnissamat. Passiliuussisoqassaaq passit pillugit inatsimmi §§ 4 a aamma 4 b malillugit pisarnertut akiliuteqartitsinikkut.

Imm. 2. Passimik piginnittoq passimi suliarineqarnerani kukkuneq pissutaalluni imaluunniit pisortamat passitaartitsisussumut tutsinneqarsinnaasumik passip allatorneqarnerani annertuunik amigaateqarneranik uppernarsaasiisoq piginnaatitaavoq kukkunerit iluarsitinnissaannut imaluunniit nutaamik passitaartinneqarnissamat. Passi taama ittoq passit pillugit inatsimmi §§ 4 a aamma 4 b malillugit akiliutissat akilernagit tunniunneqartassaaq. Taarsiummik passitaartitsisoqassappat passimik piginnittup pisussaaffigaa passi kukkunilik kommunimut tunniutissallugu, aammalu kommunalbestyrelsip piumasarissappagu §§ 5-12-imi malittarisassat malillugit passitaarniummik nutaamik tunniussaqaarnissaq. Passimik piginnittup assilisinnermut aningaasartuutai uppernarsaasikkat utertitsissutaassapput. Passi suliarineqassaaq passit kukkunilittulli atuussinnaaffilerlugu.

Imm. 3. Passi ima sualutsigisumik innarlarsimappat imaluunniit nungullarsimappat naqitsisit, asseq oqaasertaaluunniit, aamma normut ullullu, imaasiinnarluni misissorneqarsinnaanatik, imaluunniit aamma passi allatigut pingaarutilitsigut kukkuneqarpat, piginnittuusup angalaqqilersinnani nutaamik passitaarnissaq qinnutigissavaa. Passitaassaaq tunniunneqartassaaq passit pillugit inatsimmi §§ 4 a aamma 4 b malillugit pisarnertut akiliuteqartitsinikkut.

Imm. 4. Passitaarniap nalunaarutigippagu passitaarniakki tigusimanagu, §§ 5-12-imi malittarisassat malillugit passitaarniummik nutaamik tunniussaqaassaaq. Passi taama ittoq tunniunneqassaaq passit pillugit inatsimmi §§ 4 a aamma 4 b malillugit akiliutissanik

akiliinertaqanngitsumik, passitaarniallu assilisinnermut aningaasartuutai uppersaasiinikkut utertitsissutaassapput. Nalunaarut taama ittoq ullormit passitaartitsiffimmit ullut 30 qaangiutsinnagit tunniunneqarpat nutaamik passitaarniummik tunniussaqaarnissamik piumasaqaat kommunalbestyrelsip saneqqussinnaavaa.

Imm. 5. Passi pissarsiariniariigaq tigusimanagu passitaarniap nalunaarutigippagu, tak. imm. 4, pineqartoq tamatuminnga uppersaasaquneqassaaq. Pineqartoq siusinnerusukkut passiliussamik tammaassimaneragaasoq piuneerussimaneragaasorluunniit taamaaqataanik uppersaasaqquneqassaaq.

§ 14. Passitaarnermi akiliuteqarneq kommunimut, kommunalbestyrelsip tamanna pillugu erseqqinnerusumik aalajangersaaneratigut, pissaaq.

Kapitali 3

Utaqqiisitut passi

§ 15. Kommunalbestyrelsip akuerisinnaavaa utaqqiisitut passitaartitsinissaq qinnuteqartumut passimi angalassamaarneq pissutigalugu misissugassatut tunniussisimaneranik imaluunniit tunniuttusaaaneranik uppersaasiisumut imaluunniit allaganngorlugu nalunaaruteqartumut aammalu passi imminut utertinneqalersinnagu ataasiarluni arlaleriarluniluunniit nunamut allamut angalasussamut.

Imm. 2. Utaqqiisitut passitaartinneqarnissamut piumasarineqassaaq, itigartitsisoqassappat tamatuma pineqartumut annertuumik akornusiisinaanissaa imaluunniit aningaasatigut annasaqartitsinissaa. Kommunalbestyrelsip piumasarisinnaavaa tamatumunnga allaganngukkanik uppersaasiisoqarnissaa. Aalajangersagaq manna naapertorlugu takornariatut angalanissaq pissutigiinnarlugu utaqqiisitut nalinginnaasumik passiliuussisoqarsinnaanngilaq.

Imm. 3. Piumasarineqartut taakkunatut ittut tunngavigalugit kommunalbestyrelsip akuerisinnaavaa utaqqiisitut passitaartitsisoqassasoq inummut passia misissuisimanerit imaluunniit nunamut isersimanerit pillugit naqissusersigaasimasumut nunamut passitaarniap angalaffiginialersaagaanut isernissamut itigartitsissutaasinnaasunik.

Imm. 4. Utaqqiisitut passi atoreerneragut kommunimut tunniunneqartassaaq.

§ 16. Utaqqiisitut passitaartitsisoqartassaaq angalanerup imaluunniit angalanerit sivilissusissaat aalajangiisuutillugu atuuffissalikkamik, ukiulli marluk sinnernagit. Utaqqiisitut passitaartitsisoqartassaaq passit pillugit inatsimmi §§ 4 a aamma 4 b malillugit pisarnertut akiliuteqartitsinikkut aammalu passitaarniummik pisarnertut tunniussaqaartitsinikkut.

§ 17. Danskit naalagaaffianni innuttaasunut nunami allamiikkallartunut §§ 15-16 malillugit utaqqiisitut passitaartitsisoqarsinnaavoq pisuni tamani Naalagaaffimmi Politiit Qullersaat akuersiseqqaarlugu.

Kapitali 4

18-it inorlugit ukiullit

§ 18. Passitaarniaq 18-it inorlugit ukioqarpat katissimananilu, angajoqqaatut oqartussaassusilik imaluunniit oqartussaassusillit qinnuteqarnermi immersukkamut atsiornikkut passitaartitsinissamut isumaqataanerlutik nalunaarutigisassavaat.

Imm. 2. Taamaattorli meeraq angajoqqaanit illugiimmik oqartussaaffigisassaassimappat angajoqqaatut oqartussaassusillit arlaata isumaqataalluni atsiornissaa naammassaaq, aappaa qimagussimanikkut, napparsimanikkut allanilluunniit immikkut ittunik pissuteqartumik atsiortinneqarsinnaassanngippat.

Imm. 3. Imm. 1-2 malillugit atsiortitsiniarneq ajornassappat, passitaarniartullu passitaarniarnini attatiinnarpagu, qinnuteqaat kommunalbestyrelsip politiinut nassutissavaa, imm. 4 malillugu aalajangiisussamut.

Imm. 4. Politiit akuerisinnaavaat imm. 1-2 malillugit passitaartitsinissamut immikkut illuinnartunik pissutissaqartillugu taamatut atsiortitsisoqanngikkaluartoq passitaartitsisoqassasoq. Meeraq nunami allami najugaqarallarpat, Naalagaaffimmi politiit qullersaata piumasaqaatit aamma taama ittut tunngavigalugit meeqqamut pineqartumut passitaartitsinissaq akuerisinnaavaa.

§ 19. Angajoqqaatut oqartussaassusillit, § 18, imm. 1 naapertorlugu isumaqataallutik atsiortinneqartussat inuillu kisimiillutik meeqqamut angajoqqaatut oqartussaassuseqarnerminnik nalunaaruteqartussat pisussaaffigissavaat qinnuigineqarnikkut paasissutissiissutaasut uppernarsaatissinnissaat.

Kapitali 5

Piffissaq atuuffik aamma akiliutissat il.il.

§ 20. Inunnut 18-inik ukioqalereersimasunut passitaartitsisoqartassaaq ullormiit suliarineqarfigisaaniit ukiuni 10-ni atuuffissalikkamik, taamaattoq tak. imm. 5.

Imm. 2. Passitaarniaq marluk 18-illu akornanni ukioqarpat, passitaartitsisoqartassaaq ullormiit suliarineqarfigisaaniit ukiuni 5-ini atuuffissalikkamik, taamaattoq tak. imm. 5.

Imm. 3. Meeqqanut marluk inorlugit ukiulinnut passitaartitsisoqartassaaq pissutsit nalinginnaasut tunngavigalugit ullormiit suliarineqarfigisaaniit ukiut marluk sinnernagit atuuffissalikkamik, taamaattoq tak. imm. 5.

Imm. 4. Pineqartup nunami allami inunngorsimanini Danmarkimilu najugaqanngisaannarsimanini pissutigalugit 22-inik ukioqalereernermigut danskisut innuttaassuseqarnini annaaratarsinnaappagu, imm. 1-4-mi taaneqartunit sivikinnerusumik annerpaamik piffissamut tassunga killillugu atuuffilimmik passitaartitsisoqarsinnaavoq.

Imm. 5. Tamatumunnga immikkut ittunik pissutissaqartillugu imm. 1-4-mi taaneqartuniit sivikinnerusumik atuuffissaliisoqartarsinnaavoq.

§ 21. Passimut atuuffissaatitaasoq, qaammatit kingulliit pingasut ingerlanerini naasimasoq, imaluunniit piffissap sivikitsup ingerlanerani naasussaq, sivitsorneqarsinnaavoq, passimik piginnittumut nutaamik passitaartitsinissaq ajornassappat.

Imm. 2. Sivitsuineq, oqaaseqaasiinikkut pisussaq, taamaallaat piffissamut angalanerup siviussusissaa tunngavigalugu pisariaqartitamut tunngatitaasassaaq, ukiorlu ataaseq sinnertussaassanagu.

Imm. 3. Piffissaq passimut atuuffissaatitaasoq pisuni immikkut illuinnartuni aatsaat ataasiaannarluni sivitsorneqartarsinnaavoq.

§ 22. Passip qupperinerinik peersisoqaraniluunniit nutaanik ikkussisoqartassanngilaq.

§ 23. Piffissap atuuffissaatitaasup ingerlanerani passimik piginnittoq nutaamik aatsaat passitaartinneqarsinnaavoq, passi pigisaq kommunalbestyrelsimit atorunnaarsitaassappat, imaluunniit naammaginartumik uppernarsarneqarpat passi tammaaneqarsimasoq.

Imm. 2. Passimik piginnittup uppernarsisippagu passimi atorunnaartumi naqissutaasimasut atorfissaqartittuarsinnaallugit taava quppernerit pineqartunik nalunaarsuiffigineqassapput nutaamik passitaarsimaneq innersuussutigalugu taassuma normua ammalu ulloq ukiorlu suna kiisalu sumi suliarineqarsimanera taallugit.

Imm. 3. Nutaamik passitaartitsisoqartassaaq §§ 5-12-imi malittarisassat malillugit aammalu passit pillugit inatsimmi § 4 a aamma 4 b malillugit pisarnertut akiliuteqartitsinikkut.

§ 24. Qinnuteqartoqarneratigut atuukkallartussamik passitaartitsisoqarsinnaavoq, nutaamik passitaartitsisoqarsinnaanngikkaangat imaluunniit passerisap piffissaq atuuffissaa sivitsorneqarsinnaanngikkaangat.

Imm. 2. Passi atuukkallartussaq allaffissiamut immikkut ittumut allataassaaq taamaallaallu piffissamut angalanissap sivilissusissaa eqqarsaatigalugu pisariaqartinneqartumut tunngatitaassaaq ukiorlu ataaseq sinnertussaassanagu. Atuukkallartussatut passi atoreerneratigut utertillugu tunniunneqartassaaq.

Imm. 3. Atuukkallartussamik passitaartitsisoqartassaaq §§ 5-12-imi malittarisassat malillugit aammalu passit pillugit inatsimmi § 4 a malillugu pisarnertut akiliuteqartitsinikkut. Qinnuteqartorli tamatumunnga peqatigitillugu nutaamik passitaartinneqarnissaaq pillugu qinnuteqaammik tunniussaqarpat, passimut ataasiinnarmut akiliuteqartitsisoqartassaaq. Passimi nutaami ulloq atuukkallartussatut passimik tunniussiviusoq passitaartitsinermut ulluliunneqassaaq.

§ 25. Politiit pisuni immikkut illuinnartuni passitaartitsisinnaapput aamma matumani nalunaarummi malittarisassat malillugit passip atuuffissaanik sivitsuisinnaallutik. § 5, imm. 1 aamma 6, §§ 7, 8 aamma 11, § 15, imm. 1-3, § 23, imm. 1 taamatulli atuutissapput.

§ 26. Naalagaaffimmi politiit qullersaata akuerisinnaavaa, danskit naalagaaffianni innuttaasup nunami allami najugagaqarallartup qinnuteqarneq malillugu EU-nødpassimik (ETD) nunami allami aallartitaqarfimmit imaluunniit konsuleqarfimmit passitaartinneqarnissaa, passitaarumasup passia tammaaneqarsimappat imaluunniit imaaliinnaq atorneqarsinnaanngippat, qinnuteqartorlu danskit aallartitaqarfiannit imaluunniit konsuleqarfiannit passitaartitsisinnaasumit tikinneqarsinnaanngitsumiippat.

Imm. 2. EU-nødpassimik (ETD) passitaartinneqarnissamut akuerineqarsinnaanermi piumasagaataassaaq, taassuma allaffissiamut immikkut ittumut allanneqarnissaa, piffissamut angalanerup sivilissusissaa eqqarsaatigalugu pisariaqartitaannarmut atuuffissalernerneqarnissaa, aamma Danmarkimut imaluunniit nunanut qinnuteqartup aalajangersimasumik najugaqarfigisaanut, imaluunniit immikkut itunik pisoqartillugu nunamut allamut ataasiaannartumik angalasinnaatitsisuunissaa.

Kapitali 6

Naammagittaaliuuteqarsinnaatitaaneq il.il.

§ 27. Kommunalbestyrelsip aamma politiit matumani nalunaarut malillugu aalajangiineri kiisalu passit pillugit inatsimmi § 2, imm. 1 malillugu politiit aalajangiineri Naalagaaffimmi Politiit Qullersaannut naammagittaaliuutigineqarsinnaapput.

Imm. 2. *Imm.* 1 malillugu Naalagaaffimmi politiit qullersaata aalajangiineri allaffissornikkut oqartussaasumut allamut ingerlateqqinneqarsinnaanngillat.

§ 28. § 3, *imm.* 3, § 4, *imm.* 5, § 17, § 18, *imm.* 4, oqaaseqatigiit aappaat aamma § 26 malillugit Naalagaaffimmi politiit qullersaata aalajangiineri Justitsministerimut naammagittaalliuutigineqarsinnaapput.

§ 29. Danskisut innuttaassusilimmut politiit passiliorumanngippata imaluunniit passioreersoq arsaarinnissutigippassuk, tak. passit pillugit inatsimmi § 2, *imm.* 1, politiit pineqartoq allakkatigut ilisimatissavaat passiliuukkusunnigikkitsik imaluunniit passianik arsaaritsik aamma aalajangiineq taanna pineqartup eqqartuussivinnut suliassanngortissinnaagaa.

Kapitali 7

Nakutilliinermik pineqaatissiisarnermillu aalajangersakkat

§ 30. Kinaluunniit, akunnittarfimmik, aasaanerani akunnittarfimmik, neriffiullunilu unnuiffiusinnaasumik, pensionatimik, herbergimik, angalaartunut unnuisarfimmik imaluunniit tammaarsimaartarfimmik ingerlatsisoq, unnuisussatut tikeraartiminut danskinut 16-ileereersimasunut akuerisaasumik allattaaveqassaaq aqqit tamakkerlugit, atorfinnik najukkanillu allattuiffissanik. Ineqartitsisuussup piumasarisassavaa kinaassuseq pillugu paasissutissanut uppersaasiinissaq.

Imm. 2. Ineqartitsisuussup isumagissavaa, allattaaviit bilikkimik, kuglepennimik maskiinamilluunniit ersarissumik immersorneqartarnissaat. Allattaaviit naallugit allattuiffigereernerisigut ukiuni marlunni toqqortarineqartassapput.

Imm. 3. Allattaavinnik pineqartunik pisinermi aningaasartuutit ineqartitsisuusumit akilernerqartassapput. Allattaaviit sumi pisarineqarsinnaanerit politiinut paasinarieqarsinnaavoq.

Imm. 4. Allattaavik nunani allani innuttaassusillit pillugit paasissutissanut atornerqartartoq politiit tikeraat pillugit allattaavittut atuutilersissinnaavaat.

§ 31. § 2-mik aamma § 30, *imm.* 1 aamma 2-mik unioqquitsineq akiliisitaanermik imaluunniit qaammatini 6-ini parnaarussaaneermik pillarneqataasinnaavoq.

Imm. 2. Kalaallit Nunaanni § 2 aamma § 30, *imm.* 1 aamma 2-imik unioqquitsineq pinerluttulerinermik inatsit naapertorlugu pineqaatissiisutaasinnaavoq.

Kapitali 8

Atuutilersitsineq

§ 32. Nalunaarut atuutilissaaq ulloq 1. december 2013.

Imm. 2. Passit il.il. pillugit nalunaarut nr. 1003, 6. oktober 2006-meersoq atorunnaassaaq.

§ 33. Suliat, nalunaarummi uani kommunalbestyrelsinit suliassaataasut, Kalaallit Nunaanni politiit suliarineqartassapput.

Justitsministeret, ulloq 28. november 2013.

MORTEN BØDSKOV

/Henrik Hjort Elmquist